



Broj: 02/1-18-016284/24
Tuzla, 17.05.2024. godine

Na osnovu člana 5. Odluke o uslovima, kriterijima i postupku raspodjele sredstava za sufinansiranje razvoja i unapređenje javne turističke infrastrukture na području Tuzlanskog kantona, broj 02/1-18-10819/24 od 14.05.2024. godine, ministar trgovine, turizma i saobraćaja Tuzlanskog kantona raspisuje

JAVNI POZIV

za podnošenje prijava za sufinansiranje razvoja i unapređenje javne turističke infrastrukture na području Tuzlanskog kantona

1. PREDMET POZIVA

Predmet Javnog poziva je sufinansiranje projekata odnosno dodjela bespovratnih novčanih sredstava u cilju inoviranja postojećih i razvoja novih atraktivnih sadržaja turističke ponude i razvoja javne turističke infrastrukture kako bi se turističke destinacije na području Tuzlanskog kantona učinili zanimljivim i atraktivnijim. Bespovratna finansijska sredstva se odobravaju za sufinansiranje projekata čija su ulaganja u razvoj i unapređenje turizma usmjerena ka ostvarenju sljedećih ciljeva:

- a) Poticati razvoj održivog turizma u Tuzlanskom kantonu
- b) Unaprijediti konkurentnost turizma Tuzlanskog kantona

Odlukom o uslovima, kriterijima i postupku raspodjele sredstava za sufinansiranje razvoja i unapređenje javne turističke infrastrukture na području Tuzlanskog kantona, broj 02/1-18-10819/24 od 14.05.2024.godine (u daljnjem tekstu: Odluka), definisan je postupak upravljanja resursima i dodjele bespovratnih finansijskih sredstava iz Budžeta Tuzlanskog kantona.

Odluka je donesena u skladu sa strateškim ciljevima i prioritetima naznačenim u Strategiji razvoja turizma Federacije Bosne i Hercegovine 2021.-2027.godina, Strategiji razvoja Tuzlanskog kantona za period 2021.-2027.godina kao i Strategiji razvoja turizma na području Tuzlanskog kantona za period 2024. – 2029. godina.

2. SVRHA DODJELE SREDSTAVA

Javnim pozivom će se bespovratna finansijska sredstva dodjeljivati za sufinansiranje projekata čija su ulaganja usmjerena u podizanje kvaliteta javne turističke infrastrukture.

U javnu turističku infrastrukturu spadaju:

1. sportsko-turistička infrastruktura,
2. turistički parkovi i izletišta i druga turistička infrastruktura za outdoor turizam,
3. vidikovci i odmorišta,
4. objekti za posmatranje prirodnih rijetkosti,
5. turističke rute i putevi,

6. infrastruktura za razvoj kulturnog turizma (očuvanje i revitalizacija kulturno-historijskih objekata, spomenika i lokaliteta, te popratne infrastrukture),
7. planinarska infrastruktura – planinarski objekti
8. trasiranje i mapiranje planinarskih staza na području Tuzlanskog kantona – planinarski putevi
9. lovna i ribolovna infrastruktura,
10. infrastruktura za razvoj turizma u zaštićenim područjima,
11. info ploče i turistička signalizacija,
12. centri za posjetitelje i ostala javna turistička infrastruktura
13. i ostali projekti javne turističke infrastrukture koji se provode na područjima i dobrima koja su u javnom vlasništvu.

Primjeri mogućih aktivnosti: razvijanje centra za posjetitelje i interpretacijske centre, uređenje prostora za održavanje edukativnih programa i radionica u okviru turističkih destinacija, multifunkcionalne dvorane; uređenje prirodnih kupališta uz rijeke i jezera s pripadajućom infrastrukturom (pristup, parkiralište, sanitarni čvorovi, kabine za presvlačenje i sl.); atrakcije na otvorenom („nebeske“ šetnice, skycab, viseći mostovi, stakleni tobogani, staklene stepenice i sl.); šetnice, tematske staze, pješačke trekking staze te staze dugog hodanja; sportsko-rekreacijsku infrastrukturu u funkciji turizma; sportske terene (odbojka, rukomet, košarka, nogomet, tenis i sl.) na području turističkih destinacija, atletske staze, multifunkcionalna sportska igrališta, vježbališta na otvorenom (fitness street workout parkovi), skate i bike parkove, mini golf igrališta, adrenalinske parkove, biciklističke staze s pratećom infrastrukturom (odmorišta, vidikovci), konjičke staze, klizališta, sanjkališta, prateća infrastrukture za adrenalinske sportove, stijene za penjanje i sl.; planinarske objekte (domovi, kuće, skloništa);

Bespovratna sredstva odobravati će se za sufinansiranje sljedećih aktivnosti u okviru projekta

- izgradnju,
- dogradnju,
- rekonstrukciju ili adaptaciju,
- uređenje i opremanje novih objekata javne turističke infrastrukture.

Sve aktivnosti, uključujući građevinske radove, nabavku opreme, ugradnju opreme, nabavku mašina i isporuku radova **moraju biti završene u roku od 12 mjeseci od datuma potpisivanja ugovora**. Sve planirane investicije čiji predviđeni rok završetka prelazi rok od 12 mjeseci će se smatrati neprihvatljivim i biće odbijene.

Za projekte koji obuhvataju građevinske radove i čija je realizacija u toku, podnosioci imaju pravo prijave na Javni poziv, s tim da završetak mora biti planiran u roku od 12 mjeseci i objekat/oprema mora biti stavljen u funkciju, a svi troškovi nastali prije potpisivanja ugovora neće biti prihvaćeni.

PRIHVATLJIVOST TROŠKOVA

Da bi investicije i troškovi bili prihvatljivi potrebno je da budu:

- neophodni za implementaciju predloženog projekta;
- realni i predviđeni budžetom;
- opravdani i mjerljivi;
- nastali nakon potpisivanja ugovora sa korisnicima i tokom implementacije projekta.

Sredstva podrške ne mogu se koristiti za:

- Troškove redovnog poslovanja podnositelja zahtjeva za podršku (plaće i ostala primanja zaposlenih, troškove prijevoza i putovanja, studijska putovanja, pokriće gubitaka, poreze i doprinose, kamate na kredite, carinske i uvozne takse ili bilo koje druge naknade) i dr.
- Najam i kupovinu vozila,
- Adaptaciju dijelova objekata koji će se isključivo koristiti za ličnu upotrebu, a ne u turističke komercijalne svrhe;
- Kupovina građevinskog zemljišta i već postojećih zgrada i objekata;
- Kupovina objekata za najam ili prodaju;
- Za sve druge troškove koji nisu vezani za realizaciju kandidiranog projekta i ciljeve programa

Podnositelj prijave će biti dužan pravdati trošak ukupnih sredstava predviđenih za realizaciju prijedloga projekta, kako vlastitih, tako i bespovratnih sredstava.

Nabavka i ugradnja polovne opreme nije dozvoljena.

Nije dozvoljena nabavka od fizičkog lica koje nije registrovano za djelatnost proizvodnje i prodaje navedenog predmeta kupoprodaje.

Neprihvatljivi troškovi za koje se ne mogu koristiti sredstva su: kupovina i iznajmljivanje objekata, zemljišta, motornih i priključnih vozila, obnova, rekonstrukcija i modernizacija objekata za prodaju, plaće i doprinosi na plaće, nabavka usluga i opreme od lica koja nisu registrovana kao poslovni subjekti, cesije, krediti, lising, kompenzacije, polise osiguranja lica i imovine i svi ostali mogući troškovi koji nisu u skladu sa namjenom projekta iskazanom u prijavnim obrascu i budžetu projekta.

Svako korištenje odobrenih sredstava suprotno definisanim namjenama smatrat će se nenamjenskim utroškom.

Korisnici sredstava po ovoj Odluci ne mogu prestati s radom u periodu od minimalno dvije godine, u suprotnom su u obavezi vratiti dodijeljena sredstva u cjelokupnom iznosu.

3. PRAVO UČEŠĆA

Potencijalni podnosioci prijave su : neprofitne organizacije, lokalne turističke zajednice i udruženja.

Za svaki predloženi projekat podnositelj prijave mora obezbijediti novčano sufinansiranje u iznosu od najmanje 30% od ukupnog iznosa predložene investicije/intervencije.

Podnositelj prijave je dužan prikazati tačne podatke o izdvojenim finansijskim sredstvima kroz prijavni obrazac i budžet, zajedno sa izjavom o minimalnom iznosu sufinansiranja.

Podnositelj prijave ima pravo prijaviti na Javni poziv samo jedan projekat.

Podnosioci prijave koji su ostvarili pravo na sufinansiranje projekata po Javnim pozivima Ministarstva u posljednje dvije godine kumulativno u iznosu više od 30.000KM nemaju pravo na prijavu na Javni poziv.

4. PODNOŠENJE PRIJAVE

Podnosioci prijave koji se prijavljuju na ovaj Javni poziv obavezni su dostaviti zahtjev i dokumentaciju propisanu ovim Javnim pozivom.

4.1. ZAHTJEV

Prijava se podnosi dostavljanjem propisanog Obrasca 1. Zahtjeva za podnošenje prijave za sufinansiranje razvoja i unaprijeđenje javne turističke infrastrukture na području Tuzlanskog kantona koji se može preuzeti na službenoj web stranici Ministarstva trgovine, turizma i saobraćaja Tuzlanskog kantona: <http://mttstk.gov.ba> i Vlade Tuzlanskog kantona <http://www.vladatk.kim.ba/> i sastavni dio je ovog Javnog poziva.

Podnosilac prijave obavezno popunjava sve rubrike u zahtjevu (popuniti obrazac isključivo na računaru) i isti ovjerava potpisom ovlaštenog lica i pečatom.

4.2. DOKUMENTACIJA

Korisnik uz popunjeni Obrazac 1. Zahtjeva za podnošenje prijave za sufinansiranje razvoja i unaprijeđenje javne turističke infrastrukture na području Tuzlanskog kantona dostavlja i slijedeću dokumentaciju:

- 1) Obrazac br. 2 za Budžet/finansijski plan projekta sa traženim elementima (ukoliko je budžet izrađen na osnovu ponuda, potrebno je uz budžet dostaviti i ponude) - ispunjen, potpisan, ovjeren i u cjelosti popunjen isključivo na računaru.
- 2) Rješenje o registraciji – original ili ovjerena kopija.
- 3) Statut ili drugi dokument koji pokazuje ciljeve neprofitne organizacije – original ili ovjerena kopija.
- 4) Uvjerenje o poreznoj registraciji kod Porezne uprave FBiH – ID broj – original ili ovjerena kopija.
- 5) Obavještenje o razvrstavanju prema klasifikaciji djelatnosti – original ili ovjerena kopija.
- 6) Uvjerenje o urednom ispunjavanju obaveze plaćanja poreza i doprinosa (direktnih i indirektnih). Ukoliko podnosilac prijave nije obveznik indirektnih poreza dostaviti uvjerenje Uprave za indirektno oporezivanje ili ovjerenu izjavu – original ili ovjerena kopija.
- 7) Potvrdu ili uvjerenje suda prema sjedištu pravnog lica odnosno podnosioca prijave da odgovorna osoba neprofitne organizacije u krivičnom postupku nije osuđena pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini - original ili ovjerena kopija.
- 8) Vremenski plan realizacije predloženih aktivnosti i finansiranja.
- 9) Ugovor sa bankom o otvaranju transakcijskog računa na koja će se doznačiti odobrena sredstva.
- 10) Izjavu o korištenim podrškama male vrijednosti.
- 11) Potpisanu izjavu o namjeri i iznosu vlastitog sufinansiranja.
- 12) Foto dokumentaciju trenutnog stanja prijavljenog projekta – fotografije sa datumom i vremenom
- 13) fotografisanja,
- 14) Dokaz o sufinansiranju, ukoliko je projekat sufinansiran i iz drugih izvora.
- 15) Dokaze o vlasničkom ili drugom stvarno-pravnom statusu prema objektu ili području realizacije projekta, odnosno kopije ZK izvadaka svih katastarskih čestica iz obuhvata projekta (ne starije od 30 dana). Ako objekt ili područje realizacije projekta nisu u 100% vlasništvu podnosioca prijave prilaže se ovjerena izjava da su vlasnici ili suvlasnici saglasni s provedbom projekta odnosno dokaz o pravu raspolaganja tim zemljištem (ugovor o korištenju ili zakupu ili koncesiji minimalno na 10 godina, sporazum o zamjeni zemljišta, punomoć, rješenje ili dr.).

- 16) Tehničku dokumentaciju o projektu (predmjer građevinskih i zanatskih radova, izrađenu i ovjerenu od ovlaštenog inženjera i dostavljenu u printanoj verziji ili idejna rješenja za projekte koji nemaju obavezu obezbjeđenja odgovarajuće građevinske dozvole;
- 17) Uvjerenje nadležnog tijela o usklađenosti zahvata projekta s važećom prostorno-planskom dokumentacijom (ne starije od 60 dana).
- 18) Urbanističku ili građevinsku dozvolu za građevinske projekte odnosno potvrdu nadležnog tijela da za navedene aktivnosti nije potrebno ishoditi građevinsku dozvolu za projekte koji su u fazi idejnog rješenja.
- 19) Ako se prijavljuje nabava opreme, prilažu se odgovarajuće ponude od dobavljača s tehničkim opisom opreme koja se nabavlja (uključujući dimenzije i broj komada) i usklađenost iste sa idejnim rješenjem koje se odnosi na projekat. Nabavka opreme dozvoljena je od dobavljača koji su registrovani i imaju istoriju (reference) za kupoprodaju te vrste opreme.

NAPOMENA: Dokumentacija mora biti original ili ovjerena kopija od strane nadležnog organa koja ne može biti starija od 60 dana. Dokumentacija treba biti složena prema gore navedenom redosljedu (1-19).

5. SREDSTAVA ZA DODJELU

Ukupna raspoloživa finansijska sredstva u okviru ovog Javnog poziva iznose 200.000,00KM.

Bespovratna sredstva dodijeljena po jednoj prijavi mogu iznositi od minimalno 8.000,00KM do maksimalno 30.000,00KM.

Za svaki predloženi projekat nosilac prijave mora obezbjediti sufinansiranje u iznosu od 30% od ukupnog iznosa predložene investicije/intervencije.

Ministarstvo trgovine, turizma i saobraćaja Tuzlanskog kantona zadržava pravo da ne raspodijeli sva raspoloživa sredstva, u slučaju da kvalitet projektnih prijedloga ne bude zadovoljavajući i da ne ispunjavaju sve definirane kriterije.

U okviru Javnog poziva prihvatljive su prijave za projekte koji će se realizovati na području Tuzlanskog kantona.

6. IZBOR KORISNIKA I PRAVNA ZAŠTITA

Ministar rješenjem imenuje komisiju za odabir sufinansiranja projekata za razvoj i unapređenje turizma na području Tuzlanskog kantona za 2024. godinu (u daljnjem tekstu: Komisija).

Komisija ima zadatak da razmotri prijave po Javnom pozivu, utvrdi da li su ispunjeni kriteriji utvrđeni Odlukom, izvrši bodovanje i sačini preliminarnu listu.

Članovi Komisije potpisuju izjavu o nepristrasnosti i povjerljivosti.

Komisija utvrđuje blagovremenost, potpunost te usklađenost prijave s opštim kriterijima Javnog poziva (formalno-pravna provjera općih/administrativnih uslova u skladu sa tačkom 44. Smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine.

Prijave pristigle po objavljenom Javnom pozivu obrađuju se po redosljedu zaprimanja.

Nakon formalno-pravne provjere svake pristigle prijave, te bodovanja u skladu s kriterijima iz Odluke, Komisija će utvrditi preliminarnu listu odabranih projekata i projekata koji nisu prihvaćeni.

U slučaju da dvije ili više prijava imaju isti broj bodova, izvršit će se rangiranje prijava na osnovu datuma zaprimanja prijava.

Prijave, koje su nepotpune, neblagovremene i nisu podnesene na propisani način, neće biti razmatrane.

Preliminarna lista se objavljuje na web stranici Ministarstva i Vlade Tuzlanskog kantona, a sadrži:

- a) nazive podnosilaca prijave,
- b) nazive projekata,
- c) iznose sufinansiranja,
- d) razlozi zbog kojih projekti nisu prihvaćeni.

Na preliminarnu listu podnosioci prijava mogu izjaviti i dostaviti pisani prigovor u roku od 5 dana od dana objave preliminarne liste. Prigovori se predaju u zatvorenoj koverti lično na **adresu centralne pisarnice Vlade Tuzlanskog kantona u ulici Fra Grge Martića br. 8 (preko puta Srednje medicinske škole) u Tuzli.**

Odluku o prigovoru donosi Ministar, u roku od 5 dana od dana isteka roka za prigovor. Odluka Ministra po izjavljenom prigovoru je konačna.

Po okončanju roka za prigovor i nakon rješavanja prigovora, Ministar donosi Odluku o utvrđivanju konačne liste o odobravanju finansijskih sredstava korisnicima sa iznosima i namjenom. Konačna lista se objavljuje na web stranici Ministarstva i Vlade Tuzlanskog kantona.

U skladu sa Odlukom o utvrđivanju konačne liste, sa odabranim korisnicima se u roku od 15 dana od objavljivanja konačne liste, zaključuje Ugovor kojim će se definisati međusobna prava, obaveze, odgovornosti i rokovi realizacije projekta.

Bodovanje projekata i dodjela bespovratnih sredstava vrši se na osnovu sljedećih posebnih kriterija:

KRITERIJI ZA OCJENJIVANJE PRIJAVA			BODOVI	NAJVIŠE
ELIMINATORNI KRITERIJ : Da li je projektni prijedlog relevantan u odnosu na strateške ciljeve i da li je projekat u skladu s mjerama i aktivnostima planiranim u Strategiji razvoja turizma na području TK u periodu 2024-2029. godina?			DA	NE
1.	Faza realizacije, odnosno pripreme projekta <i>Izvor provjere: Projektna dokumentacija</i>	Projekat već u fazi realizacije	20	do 20
		Urađena projektna dokumentacija	15	
		Projekat u fazi idejnog rješenja	10	
2.	Udio vlastitih ili drugih sredstava <i>Izvor provjere : Finansijski plan projekta</i>	Javna turistička infrastruktura		do 20
		≥50%	20	
		≥40%	15	
		≥30%	10	

3.	Dodatni bodovi	Projekat pridonosi razvoju selektivnih oblika turizma, 1. Ne - 0 bodova 2. DA - 10 bodova <i>Izvor provjere: Projektna dokumentacija</i>	10	do 60	
		Projekat se temelji na autohtonim vrijednostima, tradiciji, kulturi i običajima 1. Ne - 0 bodova 2. DA - 10 bodova <i>Izvor provjere: Projektna dokumentacija</i>	10		
		Jesu li aktivnosti projekta jasne, opravdane, razumljive i provedive i u skladu sa zacrtanim ciljevima ? 1. DA - 10 bodova 2. NE - 0 bodova <i>Izvor provjere: Projektna dokumentacija</i>	10		
		Da li su očekivani rezultati izvodljivi, dobro opisani (mjerljivi i kvantificirani) te logički povezani sa ciljevima? 1. DA - 5 bodova 2. NE - 0 bodova <i>Izvor provjere: Projektna dokumentacija</i>	5		
		Projekt donosi nove, inovativne i dobro planirane ideje, načine zadovoljavanja potreba i rješavanja problema? 1. DA - 5 bodova 2. NE - 0 bodova <i>Izvor provjere: Projektna dokumentacija</i>	5		
		Da li je prijedlog projekta održiv u smislu nastavka funkcioniranja i održavanja i nakon završetka implementacije projekta? 1. Projekat održiv - 5 bodova 2. Projekat nije održiv - 0 bodova <i>Izvor provjere: Projektna dokumentacija</i>	5		
		Da li je predloženi budžet realan, jasan i povezan sa očekivanim rezultatima? 1. DA - 10 bodova 2. NE - 0 bodova <i>Izvor provjere: Projektna dokumentacija, Finansijski plan</i>	10		
		Investicija će rezultirati kreiranje novih radnih mjesta 1. NE - 0 bodova 2. DA, jedno radno mjesto - 2 boda 3. DA, dva i više radnih mjesta - 5 bodova <i>Izvor provjere: Projektna dokumentacija</i>	5		
		UKUPNO			100

Podnosilac prijave može ostvariti maksimalno 100 bodova po prijavljenom projektu. Bespovratna sredstva odobravaju se samo za projekte koji ostvare 60 i više bodova.

7. ROK ZA DOSTAVLJANJE PRIJAVA

Rok za dostavljanje prijava je **30 dana** od dana objave ovog Javnog poziva. Javni poziv će biti objavljen na web stranici Ministarstva trgovine, turizma i saobraćaja Tuzlanskog kantona: <http://mttstk.gov.ba/> i web stranici Vlade Tuzlanskog kantona: <http://vladatk.kim.ba/>.

Smatra se da je prijava blagovremena ukoliko je zaprimljena u Centralnoj pisarnici kantonalnih organa Tuzlanskog kantona, u ulici Fra Grge Martića br. 8, do ponedjeljka, 19. juna 2024. godine do 15,00 sati.

Nepotpune i neblagovremene prijave na ovaj Javni poziv neće se uzeti u razmatranje.

Podnosilac, koji je prijavu predao putem preporučene pošte, a čija prijava bude zaprimljena u Centralnu pisarnicu nakon utvrđenog roka, preuzima rizik neblagovremenosti i njegova prijava, kao neblagovremena, neće biti razmatrana.

8. MJESTO I NAČIN PODNOŠENJA PRIJAVA

Prijave se podnose Ministarstvu trgovine, turizma i saobraćaja Tuzlanskog kantona u zatvorenoj koverti, putem preporučene pošte, na adresu:

**Ministarstvo trgovine, turizma i saobraćaja Tuzlanskog kantona
Fra Grge Martića br. 8
75000 Tuzla,**

ili lično u Centralnu pisarnicu kantonalnih organa Tuzlanskog kantona u ulici Fra Grge Martića br.8 (preko puta Srednje medicinske škole) u Tuzli.

Na zatvorenoj koverti obavezno je navesti:

Ne otvarati - Prijava na JAVNI POZIV za podnošenje prijava za sufinansiranje razvoja i unapređenje javne turističke infrastrukture na području Tuzlanskog kantona

Na poledini zatvorene koverte **obavezno navesti naziv i adresu i kontakt telefon podnosioca prijave.**

9. OSTALE ODREDBE

Ministarstvo trgovine, turizma i saobraćaja Tuzlanskog kantona ne snosi nikakve troškove podnosiocu prijave u pripremi i dostavljanju prijave po ovom Javnom pozivu. Prijava (dostavljeni zahtjev i dokumentacija) po ovom Javnom pozivu **ne vraća se podnosiocu prijave.**

Sva dodatna pitanja u vezi ovog Javnog poziva mogu se postaviti svakim radnim danima u terminima od 12 do 14 sati na jedan od slijedećih brojeva telefona 035/ 369 486 i 035/369 418.



MINISTAR

Denis Bećirović